



UNIVERSITÄTS-  
BIBLIOTHEK  
PADERBORN

## **Stavrologia Coloniensis**

**Gelenius, Aegidius**

**[Coloniae Agrippinae?], [ca. 1636]**

XLVIII. † Mons Calvariæ Arvvileranus.

---

[urn:nbn:de:hbz:466:1-64564](https://nbn-resolving.org/urn:nbn:de:hbz:466:1-64564)

XLVII. ✠  
TVLPETENSIS.

**T**Olbiaci (quod vetus, sub Archiepiscopo Coloniensi oppidum, à Victoria Clodouei Regis celebratur) in B. M. V. Ecclesia magnificū est odeum & tholus, vbi altare, & simulachrum Christi in Crucem sublato continetur, in quo sanctæ Crucis reliquiæ reconditæ antiquo S. Crucis sodalitis honorantur.

XLVIII. ✠  
MONS CALVARIÆ AR-  
vvileranus.

**A**d Aquilam, seu Arulam fluvium, qui ex opposito Lintzij, inter Andernacum, & Bonnam Rheno miscetur, oppidum Arwiler spectat in oriente amœnum, & ad pietatem à natura compositum collem, olim Cop, id est, promontorium dictum deinceps verò ob Dominicæ Passionis recordationē, Caluarix montem appellant. Ambientes vineæ, & circumiecta prata deuotionis sensum suavi aspectu pascunt.

Ad

Ad facellum huius promontorij frequentissimæ supplicationes exeunt, initiumque sumunt ex parochiali intra oppidum ecclesia, perguntq; per viam, ad honorem septem effusionum sanguinis, & lapsuum Seruatoris nostri, ærumnarumq; Matris virginis; septem exornatam monumentis. Horum primum ad Arulanam portam stationem præbet, alterum aliquot ab oppido passibus secundum fluuium. Quo per portem transmissio, tertium se offert monumentum, & statio ad pagum Genetshem, quem ab horto Getsemani, corrupto vocabulo, dici suspicantur, quod maiores istic stationem infigere soliti fuerint, in memoriam reuocantes, quæ Christo ultra torrentem, in horto euenerunt. Quartum ab egressu pagi monumentum occurrit: Quintum in montis pede: sextum medio in ascensu: postremum in editiore apice constructum est. Quotidiana hic oppidanorum, & circumiacentis populi deuotio ita firmiter omnium animis impressa est, vt quot hebdomadis festos dies non satis piè, & sancte se peregisse credant, si in-

termiserint montis huius visitationem.  
 Non ita pridem etiam, pia incolarum  
 conspiratione, nouum illic templum,  
 excitatum, in cuius umbilico, instar  
 Dominici sepulchri mansoleum erectum.  
 Religiosi quoque Patres, Ordinis S.  
 Francisci de Observantia, locum hunc  
 à Serenissimo Principe Electore nostro  
 FERDINANDO Bauaro &c. assecuti,  
 cœnobium ibidem moluntur. Quas  
 superiore seculo, Alexander Papa VI.  
 ad veterem hoc in monte pietatem au-  
 gendam, concessit indulgentias, hic  
 subtexo:

Indulgentiæ in Arweiler.

**C**liuerius Sabinen. Georgius Tusculanus  
 Ieronimus Prænestin. & Laurentius Ab-  
 banensis, Episcopi, Ludouicus Ioannes, tituli  
 sanctorum quatuor Coronatorum, Ioannes An-  
 tonius tituli SS. Nerci & Archillei, Ioannes ti-  
 tuli sanctæ Priscæ, Bernardinus tituli S. Crucis  
 in Hierusalem, Ioannes tituli S. Susanna, Do-  
 minicus tituli S. Nicolai inter imagines, Guil-  
 lermus tituli sanctæ Pudentiana, & Petrus  
 tituli S. Cyriaci Presbyteri, Raphael S. Georgij  
 ad

ad velum aureum, Iulianus SS. Sergij & Ba-  
 chi, Ioannes S. Mariae in Domnica, & Frideri-  
 cus S. Theodori, Diaconi miseratione diuina sa-  
 crofancta Ecclesia Romana, Cardinales. Vniuer-  
 sis & singulis Christi fidelibus presentes litte-  
 ras inspecturis salutem in Domino sempiter-  
 nam.

Quanto frequentius fidelium mentes ad o-  
 pera charitatis inducimus, tanto salubrius ani-  
 marum suarum saluti prouidemus: cupientes, i-  
 gitur vt Capella Passionis Domini sita in loco  
 quondam Cop nunc autem mons Caluarie nū-  
 cupato, prope oppidum Arrveilre Coloniensis  
 dioecesis, congruis frequentetur honoribus, & a  
 Christi fidelibus iugiter veneretur, ac in suis  
 structuris ac edificijs debite reparetur, conser-  
 uetur, & manu teneatur, nec non libris, calici-  
 bus, luminaribus, ornamentis Ecclesiasticis &  
 rebus alijs pro diuino cultu inibi necessariis de-  
 center muniatur. Vtq; Christi fideles ipsi eo li-  
 bentius deuotionis causa confluant ad eandem,  
 & ad reparationem conseruationem manu-  
 tentionem & munitionem huiusmodi manus  
 promptius porrigant adiutrices, quo ex hoc ibi-  
 dem dono caelestis gratiae vberius conspexerint  
 se resectos. Nos Cardinales praefati videlicet  
 quilibet nostrum supplicationibus dilectorum

nobis in Christo Ioannis Balistarij & Ioannis  
 Barbitonforis laicorum eiusdem Capella prouisi-  
 forum, ac vniuersorum hominum communita-  
 tis dicti Oppidi nobis super hoc humiliter porre-  
 ctis inclinati, de omnipotentis Dei Misericordia  
 ac BB Petri & Pauli Apostolorum eius aucto-  
 ritate confisi, omnibus & singulis Christi fide-  
 libus vtriusq<sup>3</sup> sexus vere pœnitentibus & con-  
 fessis, qui dictam Capellam in singulis videlicet  
 Pascha, & Lancea clauorum ac lamentationis  
 B. Maria Virginis, nec non Inventionis S. Cru-  
 cis, ipsiusq<sup>3</sup> Capella dedicationis festiuitatibus  
 & diebus à primis vespers ad secundas vsq<sup>3</sup> ve-  
 speras inclusiuè deuote visitauerint annuatim,  
 & ad præmissa manus porrexerint adiutrices,  
 pro singulis festiuitatibus siue diebus predictis  
 quibus id fecerint, centum dies de iniunctis eis  
 pœnitentijs misericorditer in Domino relaxa-  
 mus, præsentibus perpetuis futuris temporibus  
 duraturis. In quorum fidem literas nostras hu-  
 iusmodi fieri nostrorumq<sup>3</sup> sigillorum fecimus  
 appensione maniri. Datum Rome in domibus  
 nostris Anno à Natiuitate Domini millesimo  
 quingentesimo secundo, die vero quarta decima  
 mensis Februarij. Pontificatus SS. in Christo  
 Patris & Domini nostri Domini Alexandri di-  
 uina prouidentia Pape sexti Anno decimo.